



深州風土記
歙朱穎署

澳州風
土記

光緒廿有六
年冬十一月
文瑞書院蔡

歷代疆域

潞州風土記第一

潞州在禹貢爲冀州大陸之域故唐置陸澤縣于此杜佑李吉甫并謂大陸爲邢趙潞三州地是也春秋之初不見于傳記魯昭公十二年晉荀吳伐鮮于圍鼓鼓今晉州而潞之三屬縣元明故皆屬晉循是言之潞在春秋鮮于地也史記趙武靈王二十年畧中山地至寧葭顧祖禹謂寧葭故城在今潞州東南戰國中山卽春秋鮮于地如顧斯言戰國之初潞屬中山矣呼沱在潞州界中潞屬中山呼沱亦在中山故戰國策云趙攻中山以擅呼沱也而武靈王亦稱我先王阻漳滏之險立長城然則漳滏以北趙不能

記一

疆域

能有中山已滅燕趙以呼沱爲界是後潞始屬趙悼襄王六年封長安君以饒張守節謂卽饒陽是也通典謂潞在戰國屬趙不能詳考鮮于中山之分域後世方志因之是其疏也秦以前州境之見于傳記者如此至武彊古曰武隧而史記秦破扈輒于武隧司馬貞謂在趙西李牧攻燕拔武隧方城括地志謂在易州皆非今武彊地故弗論

右春秋戰國

自漢以來史家詳紀地里沿革併省可得而言史記樂毅傳高帝過趙封樂叔于樂鄉爲漢代州地分封之始一統志謂樂叔封邑在今清苑東南今考清苑樂鄉後魏始置

論其疆域乃是燕境涿之樂鄉漢已著目樂毅降趙封于觀津子孫所居與涿爲近過趙封國不容在燕統志之言似是誤也饒陽在前漢故止名饒後漢郡國志云饒陽故名饒凡續志所稱故名竝是西京舊號然則今漢書地理志有饒陽縣蓋陽爲衍字也舊唐書地理志謂唐卽古鄆縣置陸澤而明嘉靖時康縉撰廟碑謂磨頭爲古桃城駟蓋隋割桃縣置衡水而桃故城仍在州境衡水志稱桃縣故城在今縣西四十里磨頭距衡水道里適符是磨頭本漢桃縣故後人于此置駟也水經注衡水逕桃縣故城北合斯汶水又北逕鄆縣東下博縣西據此則鄆在下博西

記一

疆域

二

桃縣北桃在州境卽鄆之在州境決矣漢志州凡八縣一侯國曰穀邱曰安平曰饒陽隸涿郡曰下博曰桃曰樂鄉侯國隸信都國曰武隧隸河間國曰鄆隸鉅鹿郡王莽之世所在郡縣數易名稱于是安平曰廣望亭下博曰閏博樂鄉曰樂邱武隧曰桓隧光武旣立始復舊名而武隧改曰武遂又省穀邱樂鄉二邑續志州凡五縣劉昭云前志有今不載者世祖所併省也五縣者曰下博曰武遂曰饒陽曰安平竝隸安平國曰鄆隸鉅鹿郡鄆卽前漢之鄆蓋漢世州域擴矣水經注引地理風俗記曰蠡吾故饒陽之下鄉也據此則蠡吾未置縣時饒陽北境奄有今博野地

矣其河水篇云大河右瀆逕長樂郡武彊縣故城東又東北逕廣川縣武彊漢武隧地據此則武隧故境乃斜截廣川西南矣其濁漳水篇云水逕下博縣故城西又東北歷下博城西樂鄉縣故城南又東北逕武邑郡南又東逕武彊縣北又東北逕武隧縣故城南據此則下博樂鄉並在武邑郡西南其下博故城卽漢縣也又在魏下博西南矣范書光武至饒陽無萁亭馮異進豆粥及至呼沱異復進麥飯菟肩然則由無萁至呼沱須再食乃達及至下博城西老父謂去信都八十里信都今冀州治漢里視今差小攷其地望則下博在今衡水縣境蓋饒陽在呼沱北樂鄉在漳北下博在漳東南而武隧乃跨漳南北而爲縣此漢代州域之大凡也及晉割漳南置武彊而武遂乃南以漳爲界矣武邑郡介在樂鄉武彊兩城之間其所治武遂非漢故城仍漢武遂故地

右漢

三國史無地志 國朝洪編脩亮吉采漢晉二史輯補之大抵與晉志無異晉志凡五縣隸安平國者曰下博曰武遂隸博陵郡者曰安平曰饒陽隸趙國者曰鄆自東漢以後有安平國或稱安平郡皆治信都非安平縣也水經注太康五年改安平國爲長樂郡自是迄於北魏信都無復

安平之目漢晉之際郡國與縣皆有安平地異名同方志往往淆誤也博陵郡漢桓帝置以奉孝崇皇后園陵司馬彪續志郡縣增損在安順以後者不錄故無此郡郡初治今博野後徙治安平縣北齊以前所謂博陵郡皆安平也及隋世以定州爲博陵郡而後安平無博陵之目矣安平定州皆稱博陵異代同名方志又往往淆誤也晉志地理殊疏元和郡縣志晉置武彊縣屬武邑郡而志不載郡國縣道記武彊漢爲侯國西晉卽其城置縣酈元謂卽光武拜王梁爲大司空以爲侯國者也余意王梁所封當卽前漢莊不識故邑漢志不言其地史記曹相國世家還攻武

記一

疆域

四

疆薛瓚云在陽武水經渠水謂卽不識封邑二漢封國應是一地酈氏兩存恐非其實蓋陽武武彊漢時已有武邑武彊晉代始置此又方志之以同名而淆誤者也又如徐廣稱安平縣西有薄洛津津爲漳水支流顧祖禹疑漳水舊瀆嘗經安平不知徐廣所稱非涿郡之安平乃清河之信鄉應劭孟康皆言漢順帝改信鄉爲安平縣信鄉與經縣相接續郡國志經西有薄洛津是也若涿郡安平去漳絕遠顧氏精于考索猶有此失此又同名淆誤之甚者矣

右魏晉

晉惠以後冀部淪陷石趙慕容燕苻秦大氏因太康之舊

而小有增改其見于晉書載記者石勒將王午鄧恆冉閔
閔子操呂護慕容垂將平規申永丁零段遼先後據魯口
而慕容評恪垂垂子農寶寶將慕容與騰皆嘗攻魯口魯口
者司馬懿征公孫淵時所築城也在今饒陽魏武鑿虜它
入泝水以運糧名曰平虜渠懿築城其口故曰虜口也寰
宇記自石趙苻秦以及後魏博陵郡并治魯口當時史文
多見魯口少見饒陽則魯口當已置縣矣是時又有博陵
縣亦在饒陽載記後燕博陵令屈遵降魏洪穉存疑博陵
當爲博陸非也魏收地形志饒陽有博陵城魯口城足驗
秦燕饒陽嘗析置博陵魯口二縣逮于元魏仍省入饒陽

記一

置域

五

耳洪氏又疑饒陽之博陵城爲晉博陵國博稽往牒北魏
以前博陵立國并未移治饒陽洪之斯言殊非翔塙又自
太康以來有武邑郡洪輯前燕疆域獨無武邑按平規謀
反實據博陵武邑長樂三郡是後燕尙有武邑不應前燕
獨無凡此皆洪氏之疏不可不正今以意定十六國時郡
邑蓋隸長樂郡者一縣曰下博隸武邑郡者二縣曰武遂
曰武彊隸博陵郡者四縣曰安平曰博陵曰饒陽曰魯口
隸鉅鹿者一縣曰鄒

右十六國

魏書地形志州爲六縣分隸四郡饒陽安平隸博陵郡下

博隸長樂郡武遂武彊隸武邑郡鄒隸鉅鹿郡鄒卽鄒也而饒陽有博陵魯口二城則二縣已併省也是後諸縣屢有遷省據水經注下博魏城在漢縣東北郡國地道記稱下博治祭道壘北枕衡漳水者又周建德六年所移顧祖禹謂移而益北是也北周下博尙在漳南則寰宇記言魏移衡水北者誤矣晉時武遂在漳北爲武邑郡治而武彊則在漳南及魏皇始三年徙郡來治武彊神光太和旋省旋復逮齊文宣天保七年郡廢縣移又省武遂以入武彊于是武彊亦移而益北矣地形志饒陽縣下云有饒陽城是魏時饒陽已非漢舊及齊天保五年移治魯口又非魏

記一

疆域

六

治一統志但言故城有二爲失考也唐因北齊仍治魯口而括地志饒陽故城在東北二十里大氏謂魏故城若漢之故城蓋唐代已難確指矣鄒北齊省

右後魏北齊

隋之郡邑變易古制多爲後代所因隋書地理志武彊下博隸信都郡安平隸博陵郡饒陽隸河間郡先是博陵舊郡或治安平或治饒陽自大業初徙治鮮于以定州爲博陵是後安平無博陵之目其變一也先是未嘗置州自開皇十六年于饒陽置涿州以州西故涿池爲名是後乃有涿州之號其變二也先是下博武彊南境遠包廣川武邑

不在脩縣明矣周既置靜安軍因移下博縣治此以軍領縣于是境內為州一即潞州為軍二曰靜安曰永甯為縣五日陸澤曰饒陽曰安平曰武彊曰下博

右五代

宋時諸縣無甚改易而太宗之世州地屢有併省仁宗時永甯軍徙此其變也金因宋制而金史地理志下博為一鎮領于州元世遷改皆在宋混一以前及明而地制大定國朝多因之今具列四代沿革為年表唯元憲宗在潛安平武彊皆隸鼓城等處軍民萬戶府史無年月不表

宋金當州沿革表

三縣均無改置

記一

置城

九

宋	太平興國八年	雍熙二年三年	四年	淳化元年	至道三年	仁宗天聖七年	金
以下博隸軍廢縣	省下博縣	置靜安縣	以東鹿末	以樂壽隸瀛州	永甯軍移	下博為一鎮領于州	
靜安軍	還隸州	省陸澤屬			治博野		

元明州域沿革表

元太祖十九年	太宗六年	七年	十年	十一年	世祖中統二年	明太祖洪武二年	成祖永樂十年
州廢靜安縣隸東武州	復置州治靜安隸河	間置帥府	領五縣饒陽安平武強東鹿靜安	隸真定路	領靜安衡水二縣	省靜安縣入之領衡水	徙吳莊即今治
改東武州領武邑靜安隸南平州	復為縣來屬				割隸祁州		
改南平州領饒陽		來屬			割隸晉州		
		復為縣來屬			割隸晉州		

右宋金元明

大氏州地由隋以前分隸郡國每代不同唐以來始置州而所領之縣或多或寡時出時入又州所隸諸道軍府亦變革不常今通列之為表

隋以前州地所隸郡國表

唐書	陸澤	饒陽	東鹿	安平	博野	樂壽	下博
通典	饒陽	安平	鹿城	陸澤			
唐以後州所領縣表							
隋	信都郡 <small>下博</small>	信都郡 <small>武彊</small>	河間郡 <small>饒陽 燕 冀 薊</small>	博陵郡 <small>安平</small>	博陵郡 <small>安平</small>		
北魏	鉅鹿郡 <small>鄴</small>	武邑郡 <small>武遂 武彊</small>	博陵郡 <small>饒陽</small>	博陵郡 <small>安平</small>			
前後二燕	鉅鹿郡 <small>鄴</small>						
石趙苻秦	長樂郡 <small>下博</small>	武邑郡 <small>武遂 武彊</small>	博陵郡 <small>饒陽 博</small>	博陵郡 <small>安平</small>			
魏晉	安平國 <small>下博</small>	安平國 <small>武遂 武彊</small>	博陵郡 <small>饒陽</small>	博陵郡 <small>安平</small>			
後漢	鉅鹿郡 <small>鄴</small>						
漢	鉅鹿郡 <small>鄴</small>						
戰國	中山趙 <small>靈 葭</small>	河間國 <small>武遂</small>	涿郡 <small>饒</small>	涿郡 <small>安平 穀 邱</small>			
	涿州	武彊	饒陽	安平			

記一

置城

十

五代周	陸澤	饒陽	東鹿	安平	樂壽	下博	武彊
寰宇記	陸澤	饒陽	安平	下博	武彊	樂壽	
九域志 <small>同史</small>	靜安	東鹿	饒陽	安平	武彊		
金史	靜安	東鹿	饒陽	安平	武彊	下博鎮	
元史	靜安	衡水					
明史	衡水						

唐以後諸縣別隸他州表

瀛	定	冀	冀	靜安	東武	南平	祁	晉	晉	晉
饒陽	安平	下博	武彊	下博	武彊	安平	武彊	安平	饒陽	武彊
<small>隋屬唐</small>	<small>隋屬唐</small>	<small>唐武德</small>	<small>武德貞</small>	<small>五代周</small>	<small>元太祖</small>	<small>元太祖</small>	<small>元太祖</small>	<small>元太宗</small>	<small>元屬明</small>	<small>元屬明</small>
<small>貞觀屬</small>	<small>貞觀屬</small>	<small>貞觀天</small>	<small>觀天寶</small>	<small>屬宋太</small>	<small>屬</small>	<small>屬</small>	<small>屬</small>	<small>屬</small>	<small>屬</small>	<small>屬</small>

記一

十二

	寶井屬唐末并平興國屬	靜安	饒陽	安平	職官志
	屬	元太祖	元太祖	見元史	

元太宗之世武彊嘗屬祁州祁去武彊絕遠不能越安平饒陽而有武彊也元史職官志有祁州安平縣甲局院長一員是安平屬祁之證一縣屬祁饒陽亦必隨屬但史文缺略不詳耳

唐以後州所隸軍府表

朝代	唐	梁	後唐	晉	漢	周	宋	金	元	元	明
諸路	河北道	成德軍	武順軍	成德軍	順德軍	成德軍	定州大總管	河北東路	河間帥府	真定路	真定府

其郡國軍州治所寰宇記謂晉與高齊博陵郡并理安平

自通典以後方志家并有幅員袤廣及四至八到之道里屬邑有多寡則地域廣狹異焉疆界割併治所遷改即計里亦殊今差其異同為譜

東西相距		南北相距	
元和志	九十里	元和志	一百一十里
寰宇記	一百九十里	寰宇記	二百六十里
一統志	二百二十三里	一統志	一百十五里

右東西南北相距道里表

至東	
通典 <small>寰宇記同</small>	景城郡 <small>寰宇記滄州</small> 三百十五里
九域志	本州界六十五里自界首至冀州一百里
一統志	交河縣界六十八里

記一 景城 三

至西	
通典	常山郡 <small>寰宇記鎮州</small> 一百八十里 <small>元和志作正西微北</small>
九域志	本州界七十三里自界首至祁州九十里
一統志	東鹿縣界五十五里

至南	
通典	魏郡 <small>寰宇記魏州</small> 五百里
九域志	本州界十五里自界首至冀州七十五里
一統志	衡水縣界五十里

至北	
通典	上谷郡 <small>寰宇記易州</small> 三百里
九域志	本州界一百二十五里自界首至瀛州五十五里
一統志	蠡縣界六十五里

右四至道里表

東 通典 信都郡 寰宇記 冀州 一百三十里 元和志同

南 九域志 本州界三十五里自界首至冀州六十五里

到 一統志 武邑縣治六十里

西 通典 趙郡 寰宇記 冀州 一百九十里 元和志作 二百里

南 九域志 本州界二十五里自界首至冀州七十五里

到 一統志 東鹿縣治六十五里

東 通典 河間郡 寰宇記 瀛州 一百五十里 元和志作 一百四十五里

北 九域志 本州界一百十五里自界首至河間府六十里

到 一統志 河間縣治一百六十里

西 通典 博陵郡 寰宇記 定州 一百七十里

記 一 置城 西

北 九域志 本州界一百五里自界首至祁州六十五里

到 一統志 深澤縣治七十里

右八到道里表

蓋唐治陸澤宋治靜安 國朝因明治吳莊此其所以異也屬縣多少不同故九域志之界首亦與今別然皆一州之全境若本州及三縣又各有相距之道里則歷代方志所未詳載而一統志與乾隆時舊志言之詳畧既殊頗難強合今并考之

一統志

舊志

深州	東西九十三里 南北九十里	武彊	東西四十二里 南北四十八里	饒陽	東西五十里 南北五十里	安平	東西五十里 南北三十五里
廣六十三里	東西五十六里 南北五十五里	東西四十五里 南北五十二里	東西四十五里 南北四十五里	南北四十五里	南北四十五里	南北四十五里	
表一百四十里							

涿州 元和志冀州西北至涿州一百三十里下博南至冀州一百里

一統志 東至 武強界三十八里 西至 東鹿界五十里 南至 衡水界五十里 北至 安平界四里

舊志 東南到 武邑界六里 西南到 東鹿治五里 東北到 饒陽治七里 西北到 安寧治五十二里

武彊 元和志西南至冀州一百三十里

一統志 東至 交河界三里 西至 州界三里 南至 武邑界八里 北至 饒陽界四十里

舊志 東南到 武邑界三里 西南到 衡水界八里 東北到 獻縣界三里 西北到 州界十五里

饒陽 元和志西南至州三十里

一統志 東至 獻縣界三里 西至 安平界二十里 南至 州界三十里 北至 肅寧界二十里

舊志 東南到 武強治六十里 西南到 州界二十五里 東北到 河間治九十里 西北到 蠡縣治七十里

安平 元和志東南至州五十三里

記一 區域 十五

一統志 東至 饒陽界七里 西至 涿州界三里 南至 州界十里 北至 蠡縣界二十里

舊志 東南到 武強治九十里 西南到 東鹿治九十里 東北到 肅寧治八十里 西北到 博野界二十五里

右州及三縣四至八到表

通典 去西京二百五十里 案此文有誤據寰宇記 當作二千一百五十里 去東京二千五百五十里

元和志 西南取趙州路至上都一千五十里西南至東都二千三百二十里

寰宇記 去東京九百里 九域志作九百五十里 去西京一千三百二十里

一統志 在京師西南六百十二里

舊志 州距京師五百五十里武彊五百二十里饒陽五百里安平五百里

右距京里數表

大凡州境古今道里畧可考見者如此